

Даалгъвран болзгаснь урд кўцәхмн

Омск областин Полтавск района „Красный путиловец“ колхозд эн хаврас авн комсомольцнр Санджиев Эрдүш, Костиков Дмитрий болн Мулаев Дордж саалин ўкр хәрүлцхәнә. Ўвләс ўкрмүдән сән чинәтәггяр авч гарсн учрар, сентябрин нег шин кўртл ўкр болгънас 2300 литр ўсн авгдв. Ганцхн август сард 362 литр ўсн ўкр болгънас авгдв.

„Красный путиловец“ колхозин комсомольцнрин болн багъчудин хойрдгч ферм ўс саадж авлгъарн райондан негдгч орм эзджәнә. Эн нўўрт йовх фермин комсомольцнр-ўкрчнриг болн саальчнриг комсомолин райком буульмджин листәр мōрәлв.

Комсомольцнр Санджиев Эрдүш, Костиков Дмитрий болн Мулаев Дордж хәрүлджәх ўкрмүдәсн 1957 джил ўкр болгънас 3000 литр ўс авхар социалистическ дōрлдә кегәд, бийсдән даалгъвр авб. Эн авсн даалгъвран Алдр Октябрьск социалистическ революцин 40 джилин оон кўртл кўцәхәр, хәрүлджәсн ўкрмүдән одр-сō уга сән илгтә газрт хәрүләд, авсн даалгъвран болзгаснь урд кўцәхәр ноолдджана.

БАДМИН М.